

"MELAHIRKAN ANAK SOLEH"

ٱلْحَمَّدُ لِلَّهِ الْقَائِلِ: لِلَّهِ مُلَكُ ٱلسَّمَوَاتِ وَٱلْأَرْضِ تَخَلُقُ مَا يَشَآءُ لِمَن يَشَآءُ إِنَاتًا وَيَهَبُ لِمَن يَشَآءُ النَّا وَيَهَبُ لِمَن يَشَآءُ اللَّهُ وَ رَا اللَّهُ اللَّ



Sidang Jumaat yang dimuliakan,

Marilah kita bersama-sama mempertingkatkan ketaqwaan kepada Allah SWT dengan melaksanakan segala perintah dan meningggalkan larangan-Nya semoga kehidupan kita di dunia dan di akhirat sentiasa diredhai Allah SWT.

Hayatilah khutbah pada kali ini yang bertajuk "*MELAHIRKAN ANAK* SOLEH".

Sidang Jumaat yang dirahmati Allah sekalian,

Anak-anak merupakan anugerah Allah SWT yang amat berharga kepada kedua ibu bapa. Mereka ibarat kain putih yang bersih, maka kedua ibu bapalah yang bertanggungjawab untuk memelihara, membentuk dan mendidik mereka agar menjadi insan yang berguna, berjaya di dunia dan di akhirat.

Hadis daripada Abu Hurairah R.A bahawa Rasulullah SAW telah bersabda:



"Tidaklah seseorang itu dilahirkan kecuali dalam keadaan Fitrah (suci daripada kesalahan dan dosa), maka kedua ibu bapanyalah yang menjadikannya Yahudi atau Nasrani atau Majusi"

(Riwayat Muslim)

Oleh yang demikian itu, Islam merupakan agama terbaik untuk memberi bimbingan dan panduan kepada manusia dalam melahirkan anakanak yang soleh.

Sidang Jumaat yang dikasihi Allah,

Sebagai ibu bapa, sudah pasti kita sentiasa berharap agar dikurniakan anak-anak yang baik dan soleh. Menjadi penyejuk mata dan penawar hati. Anak-anak bukan sahaja dapat membantu kita sewaktu di dunia bahkan diharap dapat membantu kita sampai ke alam akhirat.

Hadis daripada Abu Hurairah R.A bahawa Rasulullah SAW telah bersabda:



"Apabila mati anak Adam, maka terputuslah semua amalannya kecuali tiga perkara, sedekah jariah, ilmu yang memberi manfaat dan anak yang soleh yang mendoakan untuknya".

(Imam Al-Bukhari dan Muslim)

Justeru proses mendidik anak agar menjadi anak yang soleh merupakan suatu tugas dan tanggungjawab yang besar serta mencabar kepada setiap ibu bapa. Terutamanya dalam dunia hari ini yang serba moden dan canggih yang telah banyak mempengaruhi corak kehidupan manusia terutamanya golongan kanak-kanak.

Beberapa perkara penting yang perlu diberi perhatian oleh ibu bapa untuk melahirkan generasi anak-anak yang soleh ialah :

Pertama: Hendaklah Menanam Kefahaman Akidah Dalam Diri Anak-Anak

Akidah merupakan perkara asas yang perlu diberi perhatian dan keutamaanya kerana akidah yang mantap sahajalah mampu menjamin kebahagian dan kecemerlangan hidup manusia di dunia dan di akhirat. Pegangan akidah yang kukuh dapat melahirkan insan yang sentiasa menjaga iman mereka serta menjauhi perkara-perkara syirik.

Firman Allah SWT dalam surah Luqman ayat 13:



"Dan ketika Luqman berkata kepada anaknya, "Wahai anak kesayanganku, janganlah engkau mempersekutukan Allah (dengan sesuatu yang lain). Sesungguhnya perbuatan syirik itu adalah satu kezaliman yang besar."

Kedua: Hendaklah Memberi Penekanan Dan Menitikberatkan Soal Ibadah.

melambangkan Ibadah sifat yang sempurna kepatuhan dan ketaatan kepada Allah. Selain itu, Ibadah juga sebagai tanda hubungan dengan Allah SWT sepanjang masa. Dengan beribadah juga dapat menyedarkan anak-anak tentang sifat-sifat manusia sebagai seorang hamba disisi Allah SWT.

Firman Allah dalam surah al-An'am ayat 162 :

Jabatan Agama Islam Selangor



قُلِ إِنَّ صَلَاتِي وَنُسُكِى وَمَحْيَاىَ وَمُحْيَاىَ وَمَحْيَاىَ وَمَحْيَاىَ وَمَمَاتِي لِلَّهِ رَبِّ ٱلْعَالَمِينَ عِ

"Katakanlah: "Sesungguhnya solatku, ibadahku, hidupku dan matiku hanyalah untuk Allah, Tuhan yang memelihara dan mentadbirkan sekalian alam."

Ketiga: Hendaklah Memberi Didikan Dalam Pembentukan Akhlak Yang Baik.

Memiliki akhlak terpuji merupakan lambang keperibadian seorang muslim sejati. Dengan memiliki akhlak yang terpuji menyebabkan seseorang itu dihormati oleh masyarakat. Manakala seseorang yang memiliki akhlak yang tercela akan dibenci dan dikeji oleh masyarakat. Akhlak yang mulia juga merupakan antara amalan yang memberatkan timbangan amal seseorang manusia itu pada hari akhirat.

Hadis daripada Abu Darda R.A bahawa Rasulullah SAW telah bersabda:



"Tidak ada sesuatu yang lebih berat diatas neraca timbangan seseorang hamba di hari kiamat selain dari akhlak yang mulia".

(Riwayat Abu Daud dan Tirmizi)

Keempat: Memastikan Makan Minum Anak-anak dari Sumber yang Halal.

Setiap ibu bapa perlu memastikan setiap makanan yang diberikan kepada anak-anak merupakan makanan dan minuman daripada sumber yang halal serta menjauhi daripada sumber yang syubhah, apatah lagi dari sumber yang haram. Makanan dan minuman daripada sumber rezeki yang halal, baik lagi berkat akan mempengaruhi pembentukan akhlak anak-anak.

Firman Allah dalam surah Al-Baqarah ayat 168:



يَنَأَيُّهَا ٱلنَّاسُ كُلُواْ مِمَّا فِي ٱلْأَرْضِ حَلَىلاً طَيِّبًا وَلاَ تَتَّبِعُواْ خُطُونِ ٱلشَّيْطَينَ إِنَّهُ لَكُمْ عَدُقُّ مُّبِينُ هَ

"Wahai sekalian manusia! Makanlah daripada apa yang ada di bumi yang halal lagi baik, dan janganlah kamu mengikuti jejak langkah syaitan, kerana sesungguhnya syaitan itu ialah musuh yang terang dan nyata bagi kamu.".

Kelima : Hendaklah Sentiasa Berdoa Kepada Allah

Keinginan untuk memiliki zuriat yang soleh dan cemerlang hendaklah dengan cara berdoa kepada Allah S.W.T kerana ia merupakan amalan yang dilakukan oleh para nabi dan rasul. Sebagai contoh Kisah nabi Zakaria yang berdoa tanpa henti untuk mempunyai seorang zuriat yang soleh lalu dimakbulkan Allah.

Firman Allah SWT dalam Surah Al-Imran ayat 38;



هُنَالِكَ دَعَا زَكَرِيَّا رَبَّهُ وَ قَالَ رَبِّهُ هُنَالِكَ دَعَا زَكَرِيَّا رَبَّهُ وَ قَالَ رَبِ هَبْ لِى مِن لَّدُنكَ ذُرِيَّةً طَيِّبَةً إِنَّكَ سَمِيعُ ٱلدُّعَآءِ

"Ketika itu Nabi Zakaria berdoa kepada Tuhannya, katanya: "Wahai Tuhanku! Kurniakanlah kepadaku dari sisi-Mu zuriat keturunan yang baik. Sesungguhnya Engkau sentiasa Mendengar (dan mengabulkan) doa permohonan."

Keenam: Hendaklah berusaha mewujudkanlah persekitaran yang Baik.

Setiap ibu bapa hendaklah memberi perdedahan yang baik kepada anak-anak. Sebagai contoh menghantar ke tempat-tempat pendidikan Islam, Majlismajlis ilmu bagi membiasakan anak-anak berjemaah di Masjid dan lain-lain.

Sidang Jumaat Yang Dirahmati Allah Sekalian,

Marilah sama-sama kita memberikan pendidikan yang sempurna kepada anak-anak kita, demi melihat generasi yang terbaik pada masa hadapan. Korbankanlah sedikit masa dan harta untuk mereka. Berikanlah



kasih sayang dan tunjukkanlah contoh teladan yang terbaik kepada mereka. Ambil tahu hal-hal yang berkaitan dengan kehidupan anak-anak seperti dengan siapa mereka berkawan, kemana mereka pergi, jam berapa mereka keluar rumah dan pulang semula dan lain-lain lagi. Ini semua membuktikan kita telah melaksanakan amanah Allah SWT. terhadap anak-anak dengan baik dan sempurna.

"Dan juga mereka (yang diredhai Allah itu ialah orang-orang) Yang berdoa Dengan berkata: "Wahai Tuhan kami, berilah Kami beroleh dari isteri-isteri dan zuriat keturunan kami: perkara-perkara Yang menyukakan hati melihatnya, dan Jadikanlah Kami Imam ikutan bagi orang-orang Yang (mahu) bertaqwa".

(Al Furqaan :74)



بَارَكَ اللهُ لِيْ وَلَكُمْ بِالْقُرْآنِ الْعَظِيْمِ, وَنَفَعَنِيْ وَإِيَّاكُمْ بِمَا فِيْهِ مِنَ الْآيَاتِ وَالدِّكْرِ الْعَظِيْمِ, الْآيَاتِ وَالدِّكْرِ الْعَكِيْمِ وَاللَّهِ مَنِيْ وَمِنْكُمْ تِلاَوَتَهُ, إِنَّهُ هُوَ السَّمِيْعُ الْعَلِيْمُ.

أَقُولُ قُولِيْ هَاذَا وَأَسْتَغْفِرُ اللهَ الْعَظِيْمَ لِيْ وَالْمُسْلِمَاتِ، وَلَكُمْ وَالْمُسْلِمَاتِ، وَلَكُمْ وَلِسَآئِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوهُ إِنَّهُ, هُوَ الْغَفُورُ الرَّحِيمُ.



KHUTBAH KEDUA

لَّهِ الَّذِيْ جَعَلَنَا مِنَ أَنْ لا إِلَـٰهَ وَبَارِكُ



لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ وَالْمُؤْمِنَاتِ اء مِنْهُمْ وَالْأُمُوات الدَّعَوَاتِ وَيَا قَاضِيَ الْحَاجَاتِ. نَسْأُلُكَ وَنَتُوسَا ﴿ إِلَيْكَ بِنَبِيْكَ الْأَمِينِ، بأَسْمَآئِكَ الْحُسْنَى وصِفَاتِكَ الْعُظْمَى أَنْ تَحْفَظَ الرَّبَّانيَّةِ وَبحِفْظِ وقَايَتِكَ الصَّمَدَانيَّةِ، مَلِكِنَا الْمُعَظَّم سُلْطَان سلاَّغُور، سُلْطَان شَرَفُ الدِين ادريس شاه الحاج ابن صَلاحُ الدِين عبد العزيز العَوْن وَالْهِدَايَةَ وَالتَّوْفِيْقَ، وَالصِّحَّةَ وَالسَّلاَمَةُ مِنْكَ، لِوَلِيُّ عَهْدِ سَلاَغُور، إبن السُّلْطَان شَرَفُ الدِين ادريس



الحاج فِيْ أَمْنِ وَصَلاَحٍ وَعَافِيَةٍ بِمَنَّكَ وَكَرَمِكَ يَا ذَاالْحَلاَلُ وَالْإِكْرَامِ. اَللَّهُمَّ أَطِلْ عُمْرَهُمَا مُصْلِحَيْنِ لِللَّهِ اللَّهُمَّ أَطِلْ عُمْرَهُمَا مُصْلِحَيْنِ لِللَّهُ وَاللَّهُ وَاللَّهُ وَاللَّهُ مَقَاصِدَهُمَا لِللَّهِ وَاللَّهُ مَقَاصِدَهُمَا لِللَّهُ مَقَاصِدَهُمَا لِللَّهُ وَالرَّهُ اللَّهُ وَالرَّهُ اللَّهُ اللَّهُ اللَّهُ وَالرَّهُ اللَّهُ اللْمُلْمُ اللْمُ اللَّهُ اللللْمُ اللَّهُ اللَّهُ اللَّهُ اللَّهُ اللَّهُ الللَّهُ اللَّهُ اللَّهُ اللَّهُ اللَّهُ اللَّهُ اللَّهُ اللَّهُ الل

Ya Allah, Engkaulah Tuhan yang Maha berkuasa, kami bersyukur kehadrat-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebajikan.

Justeru kami pohon kehadrat-Mu ya Allah, tetapkanlah iman kami, terimalah amalan kami, kukuhkanlah perpaduan kami, murahkanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadratmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman syiah yang melampau dan Qadyani serta lain-lain fahaman.



Ya Allah, bukakanlah hati kami untuk mendirikan solat fardhu lima waktu, menunaikan zakat dan kefarduan yang lain. Berkatilah hidup orangorang yang melaksanakan zakat dan menyayangi fakir dan miskin serta mereka yang mewakafkan dan menginfakkan harta untuk Tabung Amanah Pembangunan Islam Selangor dengan ganjaran pahala yang berkekalan hingga ke hari akhirat.